

रवि शाक्य, इखाछै, यल

# शुद्धं च्वेगु सूत्र

( नेपाल भाषा )

च्वोह्य

सत्यमोहन जोशी

प्रकाशक

श्रेष्ठ प्रकाशन, ललितपुर

# शुद्धं च्वेगु सूत्र

( नेपाल भाषा )

च्वोद्व

सत्यमोहन जोशी

ह्वापा

५०००

ने. सं.

१०७८

मूल्य

। २५ गःध्यवा

**प्रकाशक**

**श्रेष्ठ प्रकाशन**

**ललितपुर**

**[ व्याक अधिकार सुरक्षित ]**

**थाकूँ**

**“ हिमालय-प्रेस ” उम्बहाल टोल,  
नःवहील कास्तिपुर**

## जिमिगु खँ

भाषाय् व्याकरण यागु गुलि आवश्यक दु थ्व खँ धया च्वने मागु मखु । श्री सत्यमोहन जोशीजुं च्वया दीगु थ्व चिकीचा धंगु व्याकरण सफू ' शुद्ध च्वेगु सूत्र ' खास याना नेपाल भाषा कया एस् . एल. सी परिक्षा बीपि छात्र छात्रातेगु निमित्त व नेपाल भाषाया न्हून्हूपि लेखक लेखिकातेगु निमित्त आपालं उपयोगी ज्वी धैगु आशां प्रकाश यानागु जुल ।

श्री जोशीजुयागु थ्व सफुति नेपाल भाषाय् छगू सकसित लागू ज्वीगु नियमनं बन्देज यायां यंकी धैगु जिमि विश्वास दु गुगुकि थौंयागु भीगु भाषा साहित्यया उत्थान, कार्ये माला च्वंगु दु ।

थ्व सफू जिमित प्रकाशनार्थ बिया दिगुली श्री जोशीजु यात जिमिगु आपालं धन्यवाद दु ।

ललितपुर

थिलापुही, ने. सं. १०७८

स्वयम्भूलाल श्रेष्ठ

श्रेष्ठ प्रकाशन

विषय	पृ
विसर्ग	१
२. हलन्त	५
३. ह्रस्व ( इ, उ )	७
४ दीर्घ ( ई, ऊ )	८
५. अनुस्वार	१२
६. चन्द्रबिन्दु	१३
७. सर्वनाम	१४
८. क्रियापद	१७
९. पद द्वैके	२०
१०, पद फाये	२१
११. ग्वो आखःया ज्वी	२२
१२. चिना आखः ज्वी	२३
१३. आखः हिके माः	२४
१४. आखः ह्य याये	२४
१५. तत्सम शब्द	२५
२६. विभिन्न आखःया प्रयोग	२६

# शुद्धं च्वेगु सूत्र

विसर्ग ( : ) तयेगु

( १ ) अकारान्त संज्ञा

गथेकि हः ( सिमाया हः ); सः ( आवाज ); लः  
( त्वनेगु लः ); मलः ( नन्याइ बले ज्वीह्म मलः );  
खलः ( पाजु खलः आदि ); आखः ( व्वेनेगु आखः );  
कापः ( पुनेगु कापः ); इ० ।

अपवादः- सल ( गयेह्म सल ); थल ( तयेगु थल ); मत  
( च्याकेगु मत )

( २ ) अकारान्त संख्यावाचक विशेषण

छगः ( संख्या ); निगः ( संख्या )

द्रष्टव्यः- पुलांगु भाषाय् जक हः=हल ; सः=सल ; लः=लख ;  
मलः=मलख ; खलः=खलक ; कापः=कापत ; छगः=  
छगल ; निगः=निगल ज्वी ।

तृतीया, पञ्चमी, सप्तमीयागु रूप ज्वीबले लं, तं,  
खं, ले, ते, खे, आदि विभक्ति प्रत्यय मालीगु अकारान्त  
संज्ञाय् विसर्ग च्वनी गथेकिः-

संज्ञा	तृतीया, पञ्चमी	सप्तमी
सः	सलं	सले
कापः	कापतं	कापते
लः	लखं	लखे

अपवादः-

सल	सलं	सले
मत	मतं	मते

### ( ३ ) अकारान्त क्रिया

( वर्तमान काल प्रथम व मध्यम पुरुषे ) गथेकि :-

नः ( नयेगु ) ; गः ( गयेगु )

छं बजि नः ; वं बजि नः

छं सल गः ; वं सल गः

### ( ४ ) अकारान्त सर्वनाम

( द्वितीया व चतुर्थी ) गथेकि :-

जितः; भीतः; छितः;

अपवादः- छंत ; वयात ; ध्वयात; सुयात

### ( ५ ) आकारान्त संज्ञा

गथेकि:- प्वाः ( म्हायागु ) ; साः ( ब्रवीँतयेगु ) ; खाः  
 ( न्हायकँ ) ; दाः ( लाय् प्येपुना च्वनीगु ) ; भयाः  
 ( छेँयागु ) ; भाः ( वस्तुयागु ) नाः ( लखे च्वंगु ) ल्हाः  
 ( ज्या यायेगु ) ; कलाः ( स्त्री ) ; सराः ( श्राप ) ; पलाः  
 ( पलाः छीगु ) ; न्यताः ( ख्वाले च्वंगु ) इ०

अपवादः- जा ( नयेगु अन्न ) ; सा ( दुरु बीम्ह ) ; खा ( पंक्षी )  
 कला ( चित्र कला ) इ०

द्रष्टव्यः- तृतीया, पञ्चमी, सप्तमीयागु रूप ज्वीबले लं, तं, खं  
ले, ते, खे, आदि विभक्ति प्रत्यय मालीगु आकारान्त  
संज्ञाय् विसर्ग (:) च्वनी । गथेकि:-

संज्ञा	तृतीया, पञ्चमी	सप्तमी
प्वा:	प्वालं	प्वाले
भया:	भयालं	भयाले
ल्हा:	ल्हातं	ल्हाते
पला:	पलाखं	पलाखे

अपवाद:-

खा	खां	खाय्, खायाके
कला	कलां	कलाय्

### ( ६ ) आकारान्त क्रिया

( वर्तमान काल प्रथम व मध्यम पुरुषे ) गथे कि :-

साः = छं छूगु मधि साः; वं छूगु मधि नं साः

नाः = छं थूगु जा नाः; वं थूगु जा नं नाः

गाः = छं व्यूगु ध्येवा गाः; वं व्यूगु ध्येवा नं गाः

लाः = छं हःगु जाकि लाः; वं हःगु जाकि नं लाः

### ( ७ ) न्ह्योने वैगु आकारान्त पूर्व क्रिया

गथेकि:- धयाः च्वन; पिकयाः च्वन; नयाः छुत; वनाः  
बिल इ०

( ८ ) अकार न्ह्योने वैगु शब्दत दीर्घ भावया

उच्चारण ज्वीबले दथ्वी विसर्ग वैगु

गथेकि:- लःसि ( फल ); बःसि ( फल ) चःलि ( म्हितेगु



वस्तु ); सःखि ( चीगु खिपः ); कःलि ( च्यापा तुति  
 दुम्ह ) चःति ( म्हं प्याहां वैगु ) कःति ( सिं फायेगु );  
 कःसि ( छेंयागु ); कःले ( फल ) थःत; थःगु; थःके  
 सःसा; खःला; सःतल; ल्वःमन, इ० ।

द्रष्टव्यः— लवसि=लःसि; ववसि=वःसि; थवत=थःत; थवगु=  
 थःगु; ल्वलमन=ल्वःमन ।

( ६ ) आकार न्ह्योने वैगु शब्दत दीर्घ भावया  
 उच्चारण ज्वीवले दध्वी विसर्ग वैगु

गथेकिः— ताःला; भाःपा; माःझि; काःम्ह; काःवल;  
 धाःगु; माःगु; लाःसा माःसा; धाःसो; हाःसा;

द्रष्टव्यः— तापला=ताःला; भालपा=भाःपा; धावसा=धाःसा;  
 हावसा=हाःसा ।

( १० ) निगःप्येपुंगु आखःया थासे विकल्प जुया  
 दध्वी विसर्ग वैगु

तज्जु = तःजु; अप्पा = अःपा

तग्गा = हःगा; तध्वं = तःधं

टिप्पणीः—

विसर्ग ( : ) या थासे थथे सांकेतिक चिह्न तयानं  
 व्यवहार याः तर थुजोगु प्रचलन म्ह जुजुं वंगु दु ।

सः = सं., सऽ, सँ

धाःगु = धांगु; धाऽगु; धाँगु ।

विसर्ग ( : ) हे लोप यांना थथेनं च्चो तर थथे च्चेबले  
 शब्द प्रयोगया अनुसार उच्चारण याये फयेके माः

सः = स; धाःगु = धागु; माःछि = माछि  
जितः = जित; सराः = सरा

## हलन्त यायेगु

### ( १ ) बहुवचने

एक वचन	बहुवचन
मनू	मनूतय्त्
मचा	मचातय्त्
माकः	माकतय्त्
चोले	चोलेतय्त्

द्रष्टव्यः- मनूतेत; मचातेत; माकतेत; चोलेतेत यातनं शुद्ध रूप  
माने यायेगु चलन दु ।

एक वचने च्वंगु विसर्ग बहुवचने लोप ज्वी । संज्ञा  
शब्दयात हलन्त याये मज्यू, अकें चोलय्=चोले; थथेहेतुं  
गोय्=गोय ; हब् = हेँ ; खेब् = खेँ ;

अपवादः- लाखय् , घाब् ; कपाय् ; ताय् , अपाय् ( व्रत ) इ०

### ( २ ) आकारान्त शब्दया सप्तमी विभक्ति ज्वीवले

संज्ञा	सप्तमी
हासा	हासाय्
कलकता	कलकताय्
सेवा	सेवाय्
लासा	लासाय्
कला	कलाय्

द्रष्टव्यः- हासाय् = हासास; कलकताय् = कलकतास; च्वेगु

पुलांगु पद्धति नं दु।

अपवादः- (ल्यूनेयागु छगःआखःलोप जुया च्वंगु संज्ञाया जक)

संज्ञा

सप्तमी

पलाः ( पलाख )

पलाखे

( ३ ) क्रियायोगि ( प्रश्नया रूपे )

गथेकिः- छाया; गय् इ०

द्रष्टव्यः- छाये, गये ( गे ), याये मज्यू।

विशेषण पाखे

गथेकिः- न्यय्कु; चय्कु इ०।

द्रष्टव्यः- न्यय्कु ( न्ययेकु ); चय्कु ( चेकु ) याये मज्यू।

अपवादः- धिके; थिके।

टिप्पणी

क्रियायागु मूलरूप सीदयेकेत हलन्तयागु व्यवहार तोतेमाः

नय् गु ( नयगु ) = नयेगु

हय् गु ( हयगु ) = हयेगु

थाय् गु ( थायगु ) = थायेगु

पुनय् गु ( पुनयगु ) = पुनेगु

दनय् गु ( दनयगु ) = दनेगु

च्वय् गु ( च्वयगु ) = च्वेगु

द्रष्टव्यः- गुगुं क्रियायात हलन्त यायेवले व एकार यायेवले

आखःया मात्राया भेद जूवों। नय् गु ( नयगु ) = ३ मात्रा।

नयेगु = ४ मात्रा

थथे ज्जीवले उच्चारण पाखे ध्यान तथा मात्राया ल्या यायेमाः

## ह्रस्व ( इ, उ ) ज्जीगु

### ( १ ) नपुंसक लिङ्ग

गथेकिः— फि, हि, मि, चि, च्वकि, मधि, हिति, भुति, मति, छालि ख्ववि, चुपि, पालु, दुरु, खसु, आलु, किपालु ।

द्रष्टव्यः— थुजोगु संज्ञाय् तृतीयाया रूप चले यायेबले अनुस्वार च्वों वै गथेकि फिं, हिं, आलुं इ० ।

अपवादः— हल्ल, सफू, धू, चू, मू, तू, गजू, नेकू, कू, पू, इ० ।

### ( २ ) उभय लिङ्ग

गथेकिः— किसि, किमि, बिलि, हइ, भालु, भतु, धुं, छुं, चखुं, इ० ।

द्रष्टव्यः— थुजोगु फुक्क संज्ञाय् तृतीयाया रूप चले यायेबले अनुस्वार च्वों वै गथेकि किसिं, किमिं, हइं ( हइनं ), धुं, छुं, चखुं

अपवादः, मनू, इमू, की, इ० ।

### ( ३ ) विशेषण—

गथेकिः— गुगुं, गुलि, थुलि, उलि, थुगु, उगु, तुयु, म्हासु, चाकु, माकु, छि, नसि, सछि ।

अपवादः— छगू, निगू, खंगू, नी, पी, स्वी, ग्वी ।

( ८ )

( ४ ) पेशा वाचक

गथेकि:- साहु, ब्रम्हु, कुलु, सापु, ज्यापु, गथु, खुँ, जोगि, सिपाहिं, काजि, कामि, नेपामि, सायमि, लमि, भनिं

( ५ ) स्त्री लिङ्ग

गथेकि:- नानि, रानि, पार्वति, दयावति, गुह्येश्वरि, राज्ञामति, नकिं, कछिं इ० ।

( ६ ) थाय विशेष, खुसि विशेष

गथेकि:- इटालि; हंगोरि; कोसि, गण्डकि इ०

( ७ ) उकारान्त क्रिया

गथेकि:- फु, दु, नु, व्यु, हुँ, इ०

( ८ ) प्रश्न वाचक शब्द

गथेकि:- सु, छु,

( ९ ) सर्वनाम

गथेकि:- जि, इपिं, थुपिं, थुमि, इमि, करपिं, थःपिं इ०

अपवाद:- भौ

( १० ) निश्चय अर्थ वैगु ' नि '

गथेकि:- खःनि, दुनि, धायीनि, माःनि, म्वाःनि, मखुनि इ०

दीर्घ ( ई, ऊ ) ज्वीगु

( १ ) क्रियाया रूप

गथेकि:- वनी, च्वनी, धायी, मिहती, निहली इ०

( २ ) तृतीया व सप्तमी यायेबले पूर्वरूप स्वने दैगु संज्ञा

गथेकि:- जनी; की; भुजीं; धू इ०

संज्ञा	तृतीया, सप्तमी	पूर्वरूप
जनी	जनिखं; जनिखे	जनिख
की	किलं; किले	किल
भुजीं	भुजिनं; भुजिने	भुजिन
सफू	सफुलिं; सफुती	सफुल
धू	धुलं; धुले	धुल

द्रष्टव्य:- तृतीया, सप्तमी विभक्ति ज्वीबले ह्रस्व ( इ ) जक जुल । जनी— या जनिखं, जनिखे

( ३ ) सप्तमी विभक्ति ज्वीबले संज्ञा शब्दत

संज्ञा	सप्तमी
मि	मी
हि	ही
चि	ची
भु	भ्वी
खुवबि	खुवबी

अपवाद:-

संज्ञा	सप्तमी
ली	लीले
कीँ	कीँले
सी	सीले

द्रष्टव्य:-

थथेनं जू

( १० )

संज्ञा	सप्तमी
मि	मिई
हि	हिई
चि	चिई
भु	भुई
ख्वबि	ख्वबिई

तर सन्धि ज्वीबले मि + ई=मी; ख्वबि + ई = ख्वबी हे ज्वी ।

( ४ ) संख्या वाचक शब्द

गथेकि:- छगू, निगू, स्वंगू, प्यंगू, नीगू, पीगू इ०

न्होने हस्व ( इ, उ ) ज्वीगु

( १ ) क्रियाया मूल रूपे

गथेकि:- बियेगु, हियेगु, दुयेगु, सुलेगु

( २ ) क्रियाया भूत काले

गथेकि:- बिल, चित, म्हितल, पिकाल, जुल, फुत, पुत इ०

( ३ ) पूर्व क्रियाया रूपे

गथेकि:- लिना:जुल, बिया:जुल, हिला:छुत

( ४ ) संख्या वाचक

गथेकि:- नि, मि, निगः, मिगः, निसः, मिसः,  
खुसः, गुसः,

( ५ ) इ, उकार शब्दत

गथेकि:- मिसा, मिजं, नुगः, मुगः, इखुँवा, इताः, मिहगः

( ११ )

अपवाद:- कीगः, म्हीग, नीकः, थूचा, तूल, प्यूचा, स्यूचा,  
जीस्वां, मूस्वां, ईख,

## दथ्वी ह्रस्व ( इ ) ज्वीगु

गथेकि:- नकतिनि, आःतिनि, उकिसनं इ०

## न्होने दीर्घ ( ई, ऊ ) ज्वीगु

### ( १ ) क्रियाया रूपे

गथेकि:- बीगु, ज्वीगु, दीगु, लीगु, बीकाः, न्हीकाः,  
सीकाः, सीके, बीके, थीके, थीवं, सीवं इ०

### ( २ ) मेमेगु रूपे

ज्यूगु, व्यूगु, ल्यूगु, थ्यूगु, ऊगु, स्यूगु, घूगु इ०

### ( ३ ) संख्या

गथेकि:- नीगः ( २० ), स्वीगः ( ३० ) पीगः ( ४० )  
रूवीगः ( ६० ) नीसः ( २००० ), नीदो ( २०,००० )  
ग्वीसः ( ६०,०० )

### ( ४ ) 'ह्' नाप वैगु शब्द

गथेकि:- बीम्ह, सीम्ह, स्यूम्ह, न्हूम्ह इ०;

द्रष्टव्य:- ' म्ह ' नाप दथ्वीनं दीर्घ ( ई ) जू

रूवेकीम्ह, नकीम्ह, त्वंकीम्ह, त्वनीम्ह, पुलीम्ह



( ५ ) क्रियाया न्होने वैगु अनुकरण

गथेकि:- मूहाल, कूनल, फूचाल, पूजुल, हीचाल,  
हीहीचा, पीसेच्चन, हीसेच्चन, ईपन, हूवल, इ०

अनुस्वार च्वनीगु

( १ ) ल्यूने म, न, वैगु शब्दत गुगुकि तृतीयायागु  
रूप चलेयायेबले खने दै

गथेकि:- माम ( मूल शब्द ) तृतीया यायेबले मामं,  
स्वान ( " " ) " " स्वानं

अकें:- मां, खां, दां, तुतां, चखुं, बखुं, भुजिं, कं, तं, गं, धुं,

अपवाद:- धुँ ( जन्तु )

( २ ) तृतीया, षष्ठी ज्वीबले

रामं, सां, कथिं, कलमं, छं, छंगु

( ३ ) क्रियायोगी

गथेकि:- हानं, हाकनं, याकनं, थौं, सदां, कंस,

( ४ ) न्होने च्वंगु आखले

गथेकि:- अंति, तुंथि, अंगः, अंबः, खम्पा, फंसि, ईचा,  
सांगा, फांगा, नांगा,

( ५ ) विभक्ति

गथेकि:- पिं, नं, ( राम पिं, वनं ) इ० ।

( १३ )

## ( ६ ) अपो जोड ज्वीबले क्रिया

गथेकि:- हं = वं स्वांमा: हं

नं = जि यले वने नं

मिला फुलि  
चन्द्रविन्दु ज्वीगु

## ( १ ) एकाक्षरी शब्द

( तृतीया ज्वीबले अनुस्वार वैगु ) गथेकि:-खँ, छँ, खँ, जँ, फँ,

अपवाद:- वं = दण्ड, धुं = च्याकेगु धुं

द्रष्टव्य:- तृतीया ज्वीबले

खँ, छँ, फँ, खँ, जँ, इ०

## ( २ ) क्रिया पाखे

गथेकि:- वयात ज्वँ ( ज्वनेगु ज्या या )

खँ कँवा ( खँ कनेगु ज्या या )

इमित गँ ( गनेगु ज्या या )

नयेगु तँ ( तनेगु ज्या या )

द्याना च्वोंपिन्त थँ ( थनेगु ज्या या )

ह्यापां दँ ( दनेगु ज्या या )

## ( ३ ) विशेषण पाखे

गथेकि:- ह्याउँ, वाउँ, ख्यूँ

## सर्वनाम पास्त्रे

( १ )

एक वचन	बहुवचन
जि	जिपिं ( सामान्य )
भी	भीपिं ( आदर सूचक )
छ	छिपिं ( सामान्य )
छि	छिक्किपिं ( आदर सूचक )
व	इपिं ( सामान्य )
वेकः	वेकःपिं ( आदर सूचक )

( २ ) ' जि ' या रूप

	एक वचन	बहुवचन
१. प्रथमा ( कर्ता )	जि जिं	जिपिं, जिमिसं
२. द्वितीया ( कर्म )	जितः	जिमित
३. तृतीया ( करण )	जिं	जिमिसं
४. चतुर्थी ( सम्प्रदान )	जितः	जिमित
५. पञ्चमी ( अपादान )	जिके, जिकें	जिमिके जिमिकें
६. षष्ठी ( सम्बन्ध )	जि	जिमि
७. सप्तमी ( अधिकरण )	जिके	जिमिके

( ३ ) ' भी ' या रूप

एक वचने	बहुवचने
१. भी, भीसं	भीपिं, भीसं
२. भीतः	भीत
३. भीसं	भीसं

४.	भीतः	भीत
५.	भीके, भीकें	भीके
६.	भी	भी
७.	भीके	भीके

## ( ४ ) ' छ ' या रूप

	एकवचन	बहुवचन
१.	छ, छं	छिपिं, छिमिसं
२.	छन्तः	छिमित
३.	छं	छिमिसं
४.	छन्तः	छिमित
५.	छंके-छंके	छिमिके
६.	छंगु	छिमिगु
७.	छंके	छिमिके

## ( ५ ) ' छि ' या रूप

	एकवचन	बहुवचन
१.	छि, छिं	छिकिपिं
२.	छितः	छिकिपिन्त
३.	छिं	छिकिपिसं
४.	छितः	छिकिपिन्त
५.	छिके-छिकें	छिकिपिके
६.	छिगु	छिकिपिनिगु
७.	छिके	छिकिपिके

## ( ६ ) ' व ' या रूप

एकवचन	बहुवचन
१. व, वं	इपि, इमिसं
२. वयातः	इमित
३. वं	इमिसं
४. वयातः	इमित
५. वयाके- वयाकें	इमिके
६. वया	इमि
७. वयाके	इमिके

## ( ७ ) ' वेक ' या रूप

एकवचन	बहुवचन
१. वेकः वेकःनं	वेयकःपि, वेयकःपिसं
२. वेकःयातः	वेकःपित
३. वेकःनं	वेकःपिसं
४. वेकःयातः	वेकःपिन्त
५. वेकःयाके-वेकःयाकें	वेकःपिके
६. वेकःया	वेकःपिनिगु
७. वेकःयाके	वेकःपिके

## ( ८ ) अव्यय प्रत्यय चङ्गु सर्वनाम

गथेकिः- थुलि, थुलिति, थुलिमद्धि, थ्वपिं, थुपिं  
 थन, थथि, थ्वथि ( थ्वथिम्ह थ्वथिगु )  
 ( थःथःपिं, थःत थःमं, थःमनं ) आमलि, आमथि  
 व, वपिं, ( अपिं ), उति, उलि, अथि अथिम्ह,

अर्थिगु, ) उर्थि, ( उर्थिम्ह, उर्थिगु ) अन, अखे  
गुम्ह, गुगु, गुलि, गुलित, गुलिमद्धि, गन, गखे, गुखतं  
उ, उर्पि, ( आम, आमर्पि ) ( हुँ, हुँर्पि )

## ६ मेमेगु सर्वनाम

सुं, हुं, सकल, सकलें,  
गुम्हसिनं, थुम्हसिनं, सकलसिनं, दक्कसिनं, फुक्कसिनं  
द्रष्टव्यः-सर्वनामया एक वचने आदर भावया अर्थे बहुवचन  
नं प्रयोग जू गथेकि  
जिमि ब्वा, छिमि मां, इमि तता  
हानं:- जिमि, छिमि, इमियात जिम् छिम् इम् यानानं  
प्रयोग यासां ज्यू

## क्रियापद

### १. ' ये ' अन्त्ये दुगु

गथेकि:- नये, धाये, फये, याये, ग्यये, च्वये, स्वये, हये,  
न्ह्यये, न्यये, ग्यये ख्वये, थ्वये, ल्वाये, ताये इ०

### २. ' ले ' अन्त्ये दुगु

गथेकि:- हाले, माले, पुले, साले, पाले, नाले, वाले,  
च्वले, काले, त्यले, प्वले, हुले, ग्वले, छूले, इले, निले,  
तिले इ०

### ३. ' ने ' अन्त्ये दुगु

गथेकि:- वने, च्वने, त्वने, कुने, ज्वने, तने, हने, गने,  
ब्वने, मने, प्यने, ल्हने, फ्यने, ध्यने, स्यने इ०

## ४. ' ते ' अन्त्ये दुगु

गथेकि:- त्वःते, सःते, म्हिते इ०

## ५. ' पे ' अन्त्ये दुगु

जपे, भाःपे, ज्वपे, त्वपे, छायेपे इ०

## ६. ' के ' अन्त्ये दुगु

गथेकि:- त्वंके, याके, पाके, साके, ज्वंके, भिके

द्रष्टव्य व्याकृत क्रियायागु रूपे ' गु ' प्रत्यय नं तने ज्यू गथेकि  
नयेगु, धायेगु, फयेगु, हालेगु, मालेगु, पुलेगु, वनेगु,  
ज्वनेगु, त्वनेगु, त्वतेगु, सःतेगु, म्हितेगु, जपेगु, भाःपेगु,  
ज्वपेगु, त्वंकेगु, याकेगु, पाकेगु इ० ।

## ( ७ ) क्रियाया काल—नयेगु क्रियाया रूप

## वर्तमान काल

	एकवचन	बहुवचन
उत्तम पुरुष	जि नये	जिमिसं नये
मध्यम पुरुष	छं नः	छिमिसं नः
प्रथम ( अन्य ) पुरुष	वं नः	इमिसं नः

## भूतकाल

	एकवचन	बहुवचन
उत्तम पुरुष	जि नया	जिमिसं नया
मध्यम पुरुष	छं नल	छिमिसं नल
अन्य पुरुष	वं नल	इमिसं नल

## भविष्य काल

	एक वचन	बहुवचन
उत्तम पुरुष	जि नये	जिमिसं नये
मध्यम पुरुष	छं नै ( नई )	छिमिसं नै
अन्य पुरुष	वं नै	इमिसं नै

द्रष्टव्यः- एकवचने व बहुवचने क्रियायागु वहे रूप जूथेंनतुं  
लिङ्गेनं वहे रूप ज्वी गथेकि

## पुलिङ्ग

## स्त्रीलिङ्ग

जिमि दाजुं जा नः	जिमि ततां जा नः
वया किजां जा नल	वया केहेनं जा नल
इमि ककां जा नै	इमि काकिं जा नै

द्रष्टव्यः- मध्यम पुरुषे व अन्य पुरुषे नं क्रियायागु वहे रूप  
ज्वी गथेकि

मध्यम पुरुष	छं नः, छं नल, छं नै
अन्य पुरुष	वं नः, वं नल, वं नै

द्रष्टव्यः- एक वचने व बहुवचने क्रियायागु वहे रूप  
ज्वी गथेकि

## एकवचन

जि नये  
छं नल  
वं नै

## बहुवचन

जिमिसं नये  
छिमिसं नल  
इमिसं नै



## पद हंकेगु

( १ ) गथे खः अथेहे आवाज लसिवैगु शब्दत

गथेकि:- गुनुनुनु, कितितिति, हुरुरुरु, हुनुनुनु इ०

( २ ) सामूहिक अर्थ वैगु शब्दत

गथेकि:- मांवा, दाजुकिजा, बुढाबुढि, लालुसि,  
धवोपन्यु, कन्हेकंस, हापालिपा, थौं कन्हे इ०

द्रष्टव्य:- भिन्न भिन्नया अर्थे पद फायेमा: गथेकि

मां व्वा=(मां व व्वा), दाजु किजा=( दाजु व किजा ),  
ला लुसि=( ला व लुसि ), थौं कन्हे=( थौं व कन्हे )

( ३ ) विभक्ति त

गथेकि:- मचायात, मचायाके, मनूयो, जुजुया, मीके,  
इमिके, थ्वेकपिं, इ०

( ४ ) समास जूगु शब्दत

सिमाकचा, म्हासुस्वां, हाकुसिह, रुवाहुसा, लोहँक:मि  
खिचातुतिम्ह इ० ।

( ५ ) उपसर्ग दुगु शब्दत

ककाये, पिछ्वाये, न्हेज्या, लिज्या, चवसा इ०

( ६ ) क्रिया दुगु शब्दत

गथेकि:- दयेकातल, वयेफु, दयाच्चन, कनाच्चन,  
मानेथा, कुतुबल, सःतल, धाःबल, कँवल, ब्वोबिल

( ७ ) ' रे ' वैगु क्रिया

गथेकि:- धारे, कारे, नुरे, स्वरे

( ८ ) प्रत्यय वैगु

गथेकि:- श्वयांलि, थवथवं, हुँकन, गनया, श्वनंलि

( ९ ) क्रिया विशेषण

गथेकि:- निश्चयनं, क्षणमात्रं, सदानं, अतिनं

( १० ) अःखः अर्थ वैगु ' म ' दुगु शब्दत

ख्वेमते, धायेमते, मवो, मखु, मदु, मधा: इ० ।

( ११ ) वहे वहे शब्दत

जाजि, मयातुफितु, तुसितासि, बिलिबालि इ० ।

( १२ ) सन्धी जुया

सुकुचित, वैन, श्वैत, गुम्हेसित, थुमित, रामैत इ० ।

( १३ ) क्रियायोगी

पलिच्चे, मयाक्वे, चुकपाखे, लुखाफुसे, देगःन्होने,  
सफूस्वया

द्रष्टव्य:- विभक्ति वैबले फायेमा: गथेकि पलिया च्वे, मयाया  
क्वे, देगया न्होने

द्रष्टव्य:- वयागु सफूस्वया जिगु सफू बांला ( क्रियायोगी )  
वयागु सफू स्वया: जिं थथे श्वीका ( क्रिया )

पद फायेगु

( १ ) संयुक्त क्रियापद

धया च्वोंबले मदु, वंगु खै मखुनि, वया च्वंगुला दु, वने  
दःसा ज्यू ; ख्वै च्वंगु स्वरे, व्वना यंकल, याये धुन इ० ।

## ( २ ) अव्यय दुगु

गथेकि:- नयेगु जक दु, ब्वना जक च्वन, वने नं माः;  
भी क्वे वने, भुतुमालि थाहां वन, राम न्होने वन,  
सिमा पति, धर्मया निर्मि, छ बाहिकं इ० ।

## ( ३ ) निगू अर्थ वैगु

( पूर्व कालिक क्रिया ) गथेकि  
धया ब्यु ( ह्वापां धया लिपा ब्यु )  
ब्वनो वा ( ह्वापां ब्वना लिपा वा )  
च्वया ब्यु ( ह्वापां च्वया लिपा ब्यु )  
माला ति ( ह्वापां माला लिपा ति )

इ०

## ( ४ ) देतना वैगु क्रिया

गथेकि:- धा धा; या या; स्वाः स्वाः, ज्यू ज्यू, दु दु;  
हिं हिं इ० ।

## ( ५ ) देतना वैगु प्रत्यय

गथेकि थमथे थमं; थें थें इ० ।

## ग्वो आखः ज्वीगु

## ( १ ) संज्ञा शब्दत

गथेकि:- ल्वहंकमिया बासे लोहंकःमि

क्यब्रया	थासे	केब
कसःया	बासे	कोसः
ग्वोजूया	बासे	गोमू

ब्यलिया	थासे	बेलि
कलःखाया	थासे	कोलःखा
खवलाया	थासे	खोला
खवर्पानिया	थासे	खोर्पानि
गवोंजुया	थासे	गोंजु
द्वहःया	थासे	दोहः
ब्वहःया	थासे	बोहः
न्यकूया	थासे	नेकू
क्यहेँया	थासे	केहेँ
म्यया	थासे	मे

द्रष्टव्यः- क्रियां बने जूगु संज्ञाय् जक चिना आखःहे ज्वी

गथेकि:-

फवनेगुया	पाखें	फवर्गि
खवयेगुया	पाखें	खवबि
ब्वयेगुया	पाखें	ब्वमि
ग्वेगुया	पाखें	ग्वो

चिना आखः ज्वीगु

( १ ) क्रियो

जोनेया	थासे	जबने
पोनेया	थासे	पवने
होनेया	थासे	हबने

थेनेया	थासे	थ्यने
सोयेया	थासे	स्वये
फोनेया	थासे	फवने
चांनेया	थासे	च्चने
सेनेया	थासे	स्यने

३० ।

## आखः हीके माःगु

यिमाया थासे इमा, यिताया थासे इता यिखुंचाया  
इखुंचा, यिलांया थासे इलां इ० ।

## आखः ह्य याये माःगु

- ( १ ) धउ, धऊ ( धलि ) या थासे धौ  
भउ, भऊ ( भलि ) या थासे भौ  
भउ, भऊ ( भति ) या थासे भौ  
नउ, नऊ ( नलि ) या थासे नौ  
पउ, पऊ ( पति ) या थासे पौ  
कइ, कई ( कैच ) या थासे कै  
खइ, खई ( खैच ) या थासे खै
- ( २ ) च्वइ, च्वई या थासे च्वै  
गइ, गई या थासे गै  
नइ, नई या थासे नै  
हइ, हई या थासे है

लड्डइ, लड्डई	या थासे	लड्डै
दड्ड, दई	या थासे	दै
जुड्ड, जुई	या थासे	ज्वी
खुड्ड, खुई	या थासे	ख्वी
( ३ ) वयात	या थासे	वैत
थ्वयात	" "	थ्वैत
सुयात	" "	स्वैत
भियात	" "	भीत
जियात	" "	जित
छयात	" "	छन्त
वयेक यात	" "	वेकयात
थ्वयक यात	" "	थ्वेकयात

इ० ।

### तत्सम शब्दत

मेगु भाषां वैगु तत्सम शब्दत गथेखः अथेहे च्वनी,  
गथेकि बुद्धि, शक्ति, भक्ति, वीर, धीर, पीर, कीर्ति,  
रीति, प्रीति इ०

द्रष्टव्यः- गुलिं गुलिं थयेन प्रचलित जू

टका = तका, कोठा = कोथा, टक्कर = तक्कर, डेरा =  
देरा इ०

भाषा = भाय्, देव = द्यो, श्लोक = सिलः,

स्त्रोत्र = तुतः स्नान = सना, पत्र = पौ

हुकूम = हुकुम, ग्लास = गिलास

इ०

## विभिन्न आस्वःया प्रयोग

( १ ) 'ब' उच्चारण यायैवले 'ब' ज्वीगु फुक् 'ब' हे ज्वी

गथेकि:- बस्त्रं, बसुप्रति, बःसि, अम्बः, बालु, ( बलु, ब्वाजु, ब्बल, बोक्सि, बोहरि, बौबिसा, इ० ।

द्रष्टव्य:- गुलि धासा 'ब' उच्चारण जूसां तत्सम संस्कृत शब्दत  
'ब' ज्वी गथेकि

विद्या, वषी, व्यर्थ, वेद, विचार, विद्वान्, कवि, अथवा, विना, तत्त्व, विषय, विश्वास, वियोग, विचित्र, विकास, विश्व, व्याकरण, वीर्य, काव्य, वचन इ० ।

( २ ) 'ण' या प्रयोग

संस्कृतयागु शब्दत गथेखः अथेहे

गथेकि:- कर्माणा, ग्रहण, व्याकरण, प्रमाण, प्राणी, श्रेणी,

निर्माण, भाषण, इ०

द्रष्टव्य:- गुलि गुलि थथेन प्रचलित जू

श्रावण = सावन, नारायण = नारायण, रुपि = गुन,

शरण = सरने, पूर्णि = पुढी, पुण्य = मुन्य इ०

( ३ ) 'श' या प्रयोग

संस्कृतयागु शब्दत गथेखः अथेहे

शिखा, शङ्का, शब्द, शास्त्र, शान्ति, प्रश्न, श्लोक, शत्रु, श्रेष्ठ, श्रद्धा, श्रद्धा, श्री, शील, ईश्वर, शुक्र, शस्त्र, आदर्श, आश्चर्य इ० ।

द्रष्टव्यः- गुलि गुलि थथेन प्रचलित जू

शीतल, = सितल, शोभा = सोभा, आशा = आसा,  
शरीर = सरिर, ( सलिल ), प्रकाश = प्रकास, शिव =  
सिव; नाश = नास, दुश्मन = दुस्मन, शाखा = साखा,  
पश्चिम = पछिम, दर्शन = दरसन, श्रावन = सावन,  
जोशी = जोसी, अंश = अंस इ० ।

( ४ ) ' ष ' या प्रयोग

संस्कृतयागु तत्सम शब्दत गथेखः अथेहे

गथेकि:- वर्षा, विसेषण, षष्ठी, कृषि, दोष, दुष्ट, राष्ट्र,  
द्वेष, अष्टमी, वृष्टि, संघर्ष इ० ।

द्रष्टव्यः- गुलि गुलि थथेन प्रचलित जू

वर्षा = बर्खा, विष = बिख, वर्ष = बर्ख, सन्तोष =  
सन्तोख, कृष्ण = कृसन, आषाढ = असार इ०

( ५ ) ' क्ष ' या प्रयोग

संस्कृतयागु तत्सम शब्दत गथेखः अथेहे

गथेकि:- भिक्षु, लक्ष्य, प्रतीक्षा, लक्षण, क्षमा, लक्ष्मी,  
दक्षिणा इ०


द्रष्टव्यः- गुलि गुलि थथेन प्रचलित जू

लक्ष्मण = लळुमन, दक्षिण = दखिन इ० ।

( ६ ) ' ज्ञ ' या प्रयोग

संस्कृतयागु तत्सम शब्दत गथेखः अथेहे

ज्ञान, विज्ञान, आज्ञा, प्रतिज्ञा, इ० ।







## सत्यमोहन जोशीया पाखें प्याहाँ वे धुंकूगु

१. सख वर्णमाला ( बाल साहित्य )
२. साहित्यया मूलखा भाग १ "
३. साहित्यया मूलखा भाग २ "
४. खँत्वा खँ भाय् ( वाक्यांश कोष )
५. छुना खँ ( उखान कोष )
६. निह मचाया मां ( बाखं संग्रह )
७. सुखया किचले ( निबन्ध संग्रह )
८. गौतम बुद्ध ( एकाङ्की नाटक )
९. सिद्धिदास ( पूर्णाङ्की नाटक )
१०. कलाकार भाग १ ( नेपाल कला संग्रह सचित्र )
११. कलाकार भाग २ ( " )
१२. नेपाया बौद्ध कला ( अनुसन्धानया छगू अध्याय )
१३. धम्मपद ( श्लोक बद्ध भावानुवाद )
१४. शुद्ध च्वेगु सूत्र ( व्याकरण )
१५. राज्याभिषेक म्ये ( ग्वण्ड काव्य )
१६. जय प्रकाश ( महाकाव्य )

—नेपाल भाषास सर्वश्रेष्ठ पुरस्कार 'श्रेष्ठ सिरपा' प्राप्त

१७. नेपाली लोकगीत ( लोकगीत संकलनया अध्याय )

१८. हाम्रो लोक संस्कृति ( अनुसन्धानया आपालं अध्याय )

—नेपाली भाषास सर्वश्रेष्ठ पुरस्कार 'मदन पुरस्कार' प्राप्त